

## Ro Ta Paulus Ibeede Pizin Galesia

<sup>1</sup> Nio Paulus, ngonjana ki Yesu Kresi ta anbeede ro tingi. Nio ti, tomtom sa iur yo, som iwe zaala pio pa uraata ta ankamam i na som. Som kat. Yesu Kresi itunu mi Tamaana Anutu ta ipei i ma burup ma imanja pa naala na, ina ziru ta tiur yo pa uraata tio.✧

<sup>2</sup> Niamjan tonmatizin kiti pakan ta niamjan ambotmbot i, ta ambeede sua tingi ima pa niom lupjana boozomen ki Kresi ta kombot pa lele pakaana ki Galesia na.✧

<sup>3</sup> Tamanda Anutu mi Merere kiti Yesu Kresi ko tikampe yom, mi timboro yom ma kombot ambai. Nonono.

<sup>4</sup> Kresi, ni ito Tamanda Anutu leleene, mi izem itunu ma imeete pa sanaana kiti, bekena itatke iti pa sanaana mburaana ta ilol toono pa mazwaana ti. <sup>5</sup> Tana tapakur Anutu zaana totomen. Nonono.

### *Uruunu ambainana tamen ta imbotmbot*

<sup>6</sup> Aiss, niom tina, nio ankam ngar piom ma anrao som. Anutu, ni ikampe yom pa Yesu Kresi zaana, mi iboobo yom ma kewe lene kek. Mi inji parei ta karau men mi kakamam be kipizil ndemeyom pini, mi kakan la sua toro kizin wal pakan? <sup>7</sup> Nonono, zitun tiso sua kizin tana, ina uruunu ambainana. Mi som. Pa uruunu ambainana tamen nonono ta imbotmbot. Nio

---

✧ 1:1: Ngo 9:15 ✧ 1:2: Ngo 13:13–14:24, 16:1-6, 18:23

kwon imbol piom paso, wal pakan ta niomnan kombotmbot na, tipingisngis uruunu ambainana ki Krisi, mi tikamam be tipakankaana ngar tiom.✧  
 8 Tamen niom kelej la kaljan pepe. Kere. Sombe tomtom sa iso yom pa sua ta ipa ndel pa uruunu ambainana ta mungu amkam piom, na Anutu kete malmaljana kini ko ise kini ma ila lene. Niam tingi mi zin anjela saamba kan tomini. Sombe amkam ta kembei, na ambai be Anutu ipasaana yam ma amla leyam.✧ 9 Tana sua ta amso ma kelej kek. Mi ingi anpoto mini. Sombe tomtom sa ikam sua piom, mi sua kini ipa ndel pa uruunu ambainana ta mungu kakan la, na Anutu kete malmaljana kini ko ise kini ma ila lene.✧

10 Lak. Sua tutjana ti, ingi anjam bekena tomtom lelen ambai pa, \* som anjam bekena Anutu leleene ambai pa? Mi parei? Ingi anjamam sua mbuyeenejana bekena tomtom lelen pio? Som kat. Pa sombe anjamam men ta kembei, na nio mbesoono nonoono ki Krisi som.✧

*Krisi itunu ta ipaute Paulus pa uruunu ambainana, mi iuri ma iwe ngojana*

11 O niom tonmatizij tio, lelej be anpei ngar tiom mini ta kembei: Uruunu ambainana ta mungu

---

✧ **1:7:** Ngo 15:1,24; 2Kor 11:3+ ✧ **1:8:** 1Kor 16:22 ✧ **1:9:**

Tur 22:18+ \* **1:10:** Zin wal ta tipandelndel zin Galesia kan na, tingal sua pa Paulus ta kembei: Tiso ni itoto itunu ngar kini men mi ipingisngis uruunu ambainana. Pa sua patanjana kembei iti bela toto tutu ki Mose pa reetejana mi koronj ta boozomen, ina ni iturkewe, bekena ipamarra zaala ki Krisi pizin wal ta Yuda somnan i. Naso lelen pini mi tito ngar kini. Mi Paulus, ni iyok pa ngar kizin tana som kat. ✧ **1:10:** 1Tes 2:4; Yems 4:4

aņsoyaara piom, ina ipet pa tomtom toono kana sa ngar kini som.✧ <sup>12</sup> Pa ina, nio aņkam la ki tomtom sa som. Mi tomtom sa ipaute yo pa som. Som ma som kat! Yesu Kriši itunu ta iswe pio.✧

<sup>13</sup> Mbulu ta muņgu aņkamam indeeņe aņtoto zin Yuda pa suņņana kizin mi mbulu kizin na, niom ko keleņ sa kek. Zin wal tau timbot la lupņana ki Kriši na, aņseseze kat matan. Aņmuņai zin risa som. Pa aņsombe aņpambiriizi zin ma timap kat.✧

<sup>14</sup> Indeeņe tana, aņmuņmuņgu pa suņņana mi tutu tiam Yuda, mi aņlip pa waeņ bizin boozomen. Pa aņsombe aņkam ma aņkam kat mbulu ki tumbuņ bizin. Tanata aņkam kaisiigi pa.✧

<sup>15-16</sup> Tamen, indeeņe ta anaņ ipeebe yo zen na, Anutu leleene iur pio kek be ikampe yo, mibe iboobo yo ma aņwe lene. Mi kaimer ma indeeņe nol ta ni itunu iur pio, tona iswe Lutuunu pio, mi iņgo yo ma aņla be aņsoyaara Lutuunu uruunu pizin wal ta Yuda somņan i. Indeeņe tau mbulu tana ipet na, aņla aņru tomtom sa be ikam ngar pio som.✧ <sup>17</sup> Mi zin wal ta tiwe ņgoņana muņgu ma timbotmbot Yerusalem na, zin tomini, aņla be aņre zin som. Kaņkaņ ma aņla aņbot pa lele pakaana ki Arabia. Mana kaimer to, aņmiili ma aņla aņbot kar Damaskus mini.

<sup>18</sup> Ndaama tel ilae, to aņsala pa Yerusalem be aņre Petrus. Aņsala to, aņbot kini pa aigule lamoro mata.✧ <sup>19</sup> Mazwaana tana, aņdeeņe Yems, ta Merere tiziini i tomini. Mi zin ņgoņana pakan

---

✧ **1:11:** 1Kor 15:1 ✧ **1:12:** 1Kor 11:23, 15:1+; Ep 3:3 ✧ **1:13:** Ngo 8:3, 26:9+; 1Tim 1:13 ✧ **1:14:** Ngo 22:3+; Pil 3:6 ✧ **1:15-16:** Mbo 139:13+; Ngo 9:15; Ro 1:1 ✧ **1:18:** Ngo 9:26+

na, anre zin som. ✧ 20 Sua ta anbeede piom ti, pakaamjana som. Anutu ire yo mi anso. 21 Kaimer to anla anbot lele pakaana ki Siria mi Silisia. ✧ 22 Mi mazwaana tina, zin lupjana ki Krisi ta timbotm-bot pa lele pakaana ki Yudea na, tiute yo som. 23 Tilenjen urun men ta kembei: “To ta mungu iseseze matanda mi ikamam be ipasaana urlajana kiti, ta koozi isu mini mi izzoyaryaara uruunu ambainana.” 24 Uunu tingi tabe zin tipakur Merere pa mbulu ta ipet pio na.

## 2

*Paulus iso zin ngojana pa uraata kini, mi zin tiyok pa men*

1 Nio anbotm-bot ma ndaama laamuru mi pan ilae, mana niamru Panabas amsala mini pa Yerusalem. Mi ankam Titus tomini ma igaaba yam. ✧ 2 Mazwaana tana, ansala sorok som. Anto ngar tau Anutu itunu iswe pio, tanata ansala. Amsala to anso zin pa uruunu ambainana ta anzzoyaryaara pizin wal ta Yuda somnan i. Pa anmoto: Kokena kaimer timanja mi tipeleele yo, tona uraata ta ankamam ta mungu mi imar na, iur nonoono som. Tana niamnan zin wal ta tikamam peeze pa lupjana ki Krisi na, niam men amlup yam mi anso zin pa sua ta ankamam pizin tomtom.

3 Mi kere. Titus ta niamnan amsala na, ni Yuda som. Ni na, tomtom kizin Grik. Tamen lupjana tana timanmani pa reetjana som. Som kat. ✧ 4 Nonoono, tomtom pakan na, tisombe timanman

---

✧ 1:19: Mt 13:55 ✧ 1:21: Ngo 9:30 ✧ 2:1: Ngo 11:27+, 15:2

✧ 2:3: Ngo 16:3

Titus pa reeteŋana. Tamen zin toŋmatiziŋ ŋonoono ki Kriŋi som. Timar ma tigaaba yam sorok bekena tireut yam. Pa tiute tau niam amurla ta kembei: Iti tomtom ta tesekap la ki Kriŋi i, na Kriŋi ikam ma kosa sa ipakaala iti pa Anutu mini som. Mi ina zin tiso tikam yam ma amwe mbesooŋo sorok mini pa tutu mi mbulu kizin Yuda. ✧ <sup>5</sup> Tamen niam amender mbolŋana mi amzoro zin. Amleŋ la kalŋan risa som. Paso amoto: Kokena titatke sua ŋonoono ki uruunu ambaiŋana piom wal ta Yuda som i.

<sup>6</sup> Tana niam amso zin pa uruunu ambaiŋana ta amkamam pizin tomtom, mi zin wal ta zan bibip i tiyok pa men. Tilenŋ na, tipeleeele som, mi tiseeŋge pa sua toro sa som. Mi kozobe tiyok pa som, na nio irao aŋkam ŋgar pizin na som. Pa sombe tomtom zaanaŋana, som sorokŋana, som pareiŋana, na nio ti aŋninin koronŋ ta kembei som. Pa Anutu tomini ininin som. ✧

<sup>7</sup> Mi zin bibip tana tikilaala yo ta kembei: Nio, Anutu iur uraata imar nomonŋ be aŋsoyaara uruunu ambaiŋana pizin wal ta Yuda somŋan i, kembei ni iur uraata ila Petrus namaana be isoyaara uruunu ambaiŋana pizin Yuda. ✧ <sup>8</sup> Pa Anutu iur yo ma aŋwe ŋgoŋana pizin wal ta Yuda somŋan i, mi ipombolmbol yo pa uraata ta aŋkamam pizin, raraate kembei ta iur Petrus ma iwe ŋgoŋana pizin Yuda, mi ipombolmboli pa uraata ta ni ikamam pizin. <sup>9</sup> Tana Yems, Petrus, mi Yoan, ta zan bibip mi tiwe mataana pa uraata ki Anutu na, tikilaala yo ta kembei: Anutu itunu ta ikampe

---

✧ **2:4:** Ŋgo 15:24; 2Kor 11:20,26; Pil 3:2+ ✧ **2:6:** Ŋgo 10:34; Ro 2:11; 2Kor 12:11 ✧ **2:7:** Ŋgo 22:21; Ro 11:13+

yo mi iur uraata biibi taingi imar nomon. Mi lelen ambai pa uraata tio, tana niamņan ampar-teege nomoyam. Paso, amre yam kembei niamņan amkamam uraata tamen tau. Mi niamņan amyok raraate be niamru Panabas amla pa lele kizin wal ta Yuda somņan i be amkam uraata pizin. Mi zin na, timbot be tikam uraata pizin Yuda.

<sup>10</sup> Mi koron tamen ta lelen pa be amkam. Sombe amla na, motoyam ingalngal be amsengeere ulaņa pakan pa wal kizin ta timbot ņoobo na. Mi mbulu ta kembei, ta ankamam mi ankamam men i. ✧

### *Paulus inasaara Petrus*

<sup>11</sup> Mi indeeņe Petrus isula pa kar Antiok na, nio anso kat sua pini ila iwal biibi matan. Paso, ni ikam ņoobo kat. <sup>12</sup> Pa munġu, ni ziņan zin wal ta Yuda somņan i tikanan kini ila mbata. Tamen indeeņe ta Yems inġo tomtom kini pakan ma timar na, Petrus izem zin wal ta Yuda somņan i, mi ziņan tiparluplup zin mini som. Paso, ni imoto zin wal ta timbolmbol pa reeteņana mi tutu ki Mose na. ✧ <sup>13</sup> Mi ni itutamen som. Zin urlaņana kan pakan ta Yuda i, tisu na tikam pakaamņana raraate men. Tabe Panabas tomini, tipakankaani ma igaaba zin pa pakaamņana kizin tana.

<sup>14</sup> Mi nio anre zin kembei tipaņoobo kat pa sua ņonoono ki uruunu ambaiņana. Tana anso kat pa Petrus ila iwal biibi matan ta kembei. Anso: “Nu tina na Yuda. Tamen mbulu kizin wal ta Yuda somņan i, na nu toto. Mi inġi parei ta su mi tooru mini. Mbulu ku tana ko ikam ma zin wal ta Yuda

---

✧ **2:10:** Nġo 11:29+; Ro 15:25; 1Kor 16:1; 2Kor 8:1+, 9:1+ ✧ **2:12:** Nġo 11:3

somɲan i tikam ɲgar ta kembei: Zin tomini bela tito zin Yuda pa mbulu kizin.” ✧

*Urlaɲana ta iwe zaala piti be tewe ndeeɲɲanda pa Anutu mataana*

<sup>15</sup> Ayo. Nonoono, niam ta amyooto pizin Yuda na, amololo tutu kembei niom wal ta Yuda somɲoyom i som. <sup>16</sup> Mi niam amute: Mbulu ki tutu toɲana ko irao ikam tomtom sa ma iwe ndeeɲɲanda pa Anutu mataana na som. Pa bela tuurla ki Yesu Kresi, to iwe zaala piti ma tewe ndeeɲɲanda pa Anutu mataana. Uunu tina ta niam Yuda tomini amtoto zaala ki urlaɲana, mi ampase pa Yesu Kresi men be ikam yam ma amwe ndeeɲɲoyam pa Anutu mataana. Mi mbulu ki tutu toɲana na, ampase pa mini som. Pa ina irao iwe zaala pa tomtom sa be iwe ndeeɲɲanda pa Anutu mataana na som. ✧

<sup>17</sup> Tana ɲɲi niam Yuda ampase pa Yesu Kresi men be ikam yam ma amwe ndeeɲɲoyam pa Anutu mataana. Mi mbulu ki tutu toɲana na, ampase pa mini som. Mi parei, sombe ampase pa Yesu Kresi men, ko ikam yam ma amsu mini mi amolo Anutu tutu kini? Som kat. Kena, so Yesu Kresi iwe uunu pa sanaana kamɲana! ✧ <sup>18</sup> Mi kere. Kokena totooro ɲgar kiti mi tapamender mini zaala ki tutu ta tezem kek na. Pa sombe tapase pa zaala tana, inako tewe sananɲanda pa Anutu mataana mini.

<sup>19-20</sup> Nio aɲmap pa zaala ki tutu kek. Pa indeeɲɲe Kresi imeete sala ke pambaaraɲana, mi ibaada sanaana tio ka kadoono ta tutu iso pa na, ina kembei nio tomini aɲmeete raami bekena aɲkam

---

✧ **2:14:** 1Tim 5:20 ✧ **2:16:** Ngo 13:38+, 15:10+; Ro 1:17, 3:20,28; Ga 3:11 ✧ **2:17:** Ga 5:22+

mboṭṭana ta ki Anutu i. Mi mboṭṭana tio ta koozi na, itun aṅborro mini som. Pa Krisi ta imbotmbot la leleṅ i, ta imborro yo. Tana urlaṅana tio, ta ikamam peeze pa mboṭṭana tio isu toono ti. Pa nio aṅurla ki Anutu Lutuunu ta iur leleene pio, mi izem itunu ma imeete pio. ✧ <sup>21</sup> Tana nio irao aṅpizil ndemeṅ pa kampeṅana mi muṅaiṅana ki Anutu na som. Pa sombe tutu irao ikam ti ma tewe ndeeṅeṅanda pa Anutu mataana, na Krisi imeete sorok. ✧

### 3

*Tutu itooro zin Galesia kan som, mi ikam Bubunana pizin som*

<sup>1</sup> O niom Galesia koyom, niom tina katalli kat! Asiṅ ipakankaana ṅgar tiom? Muṅgu niam amso yom pa Yesu Krisi ma kembei ta ituyom kombot mi kere i tipuni sala ke pambaaraṅana. ✧ <sup>2</sup> Lak, aṅso aṅwi yom pa koron ta. Niom kakam Anutu Bubunana be parei? Kototo tutu ta ni izeebe yom, som keleṅ uruunu ambaiṅana mi kuurla men? ✧ <sup>3</sup> Niom tina, ṅgar tiom ikankaana kat! Indeeṅe ta Anutu ikam uraata piom mata popoten, mi ikam yom ma kewe lene na, kapase pa Bubunana mburaana. Mi iṅgi parei ta kusu mini, mi koso kapase pa ituyom mburoyom mi mbulu tiom be iurpe yom ma kewe ṅgeezeṅoyom kat? <sup>4</sup> Ko mbulu boozomen ta ipet piom kek na iwe koron sorok? Som! <sup>5</sup> Mi parei? Anutu izebzebe yom pa Bubunana, mi ikamam mos bibip ila mazwoyom

✧ **2:19-20:** Yo 13:1; Ro 6:6,11, 7:6; 2Kor 5:15 ✧ **2:21:** Ibr 7:11

✧ **3:1:** Ga 5:7 ✧ **3:2:** Ngo 2:38; Ro 10:16+; Ep 1:13



pa so uunu i? Niom kototo tutu ta ni ikamam, som kuurla men uruunu ambainana?

*Abaraam ipatoonjo iti pa zaala ki urlanana*

<sup>6</sup> Motoyom imiili pa Abaraam. Sua ki Anutu iso parei pini? Iso:

Abaraam iurla ki Anutu, tanata Anutu ipomoozi, mi ire i kembei ni tomtom ndeenjanana.✧

<sup>7</sup> Tana iti tuute: Abaraam poponana kini nonoono, ina zin tomtom ta tiurla.✧ <sup>8</sup> Mi sua ki Anutu iso munju kek ta kembei: Urlanana ko iwe zaala pizin wal ta Yuda somjan i be Anutu ikam zin ma tiwe ndeenjan pa ni mataana. Pa Anutu iso uruunu ambainana pa Abaraam ma iso: Nu ko we zaala pa wal ta boozomen be tikam kampenana ambainana.✧

<sup>9</sup> Tana zin wal ta so titoto zaala ki urlanana kembei ta Abaraam, inako tikam kampenana ambainana kembei ta munju Abaraam ikam na.✧

*Zaala ki tutu tonana na, ka patajana biibi*

<sup>10</sup> Zin wal ta so tipase pa zaala ki tutu be ikam zin ma tiwe ndeenjan pa Anutu mataana, inako tindeene patajana biibi. Pa Anutu kete malmaljana kini ko imbotmbot se kizin. Ka sua tibeede patajana kek ta kembei:

Koronj boozomen ta tibeede se ro ki tutu na, niom bela kototo ma imap kat. Mi zin wal ta so tikam ta kembei som, inako tindeene

✧ **3:6:** Un 15:6; Ro 4:3; Yems 2:23    ✧ **3:7:** Yo 8:39; Ro 4:11+

✧ **3:8:** Un 12:3, 18:18, 22:18; Ngo 3:25    ✧ **3:9:** Ro 4:16

pataņana biibi. Pa Anutu kete malmalņana kini ko imbotmbot se kizin.✠

**11** Tana mbulu ki tutu toņana ko iwe zaala pa tomtom sa be iwe ndeeņņana pa Anutu mataana na som. Ina imbot mat. Pa sua ki Anutu iso ta kembei:

Tomtom ta sombe iurla, nako iwe ndeeņņana mi ikam mbotņana ta ki Anutu i.✠

**12** Mi zaala ki tutu toņana na, ipa ndel kat pa zaala ki urlaņana. Pa zaala ki tutu iso ta kembei:

Tomtom ta sombe ito kat mbulu ta boozomen tiņgi, nako imbot ambai.✠

**13** Tana tutu ikam ma Anutu kete malmalņana kini imbotmbot se kiti. Tamen Yesu, ni itatke iti pa pataņana tana. Pa ikam murindi mi ibaada Anutu kete malmalņana kini sala ke pambaaraņana kek. Ka sua imbot pataaņa ta kembei:

Tomtom ta sombe tipuni sala ke, na Anutu kete malmalņana kini ko imbot se kini.✠

**14** Mi mbulu tana, Krisi ikam bekenā kampaņana ta munģu Abaraam ikam na, ise kizin wal ta Yuda somņan i tomini. Naso urlaņana kiti iwe zaala piti, mi takam Bubunģana ta munģu Anutu imbuk sua pa na.✠

*Tutu irao iyembut sua mbukņana som. Pa sua mbukņana ipet munģu, mana tutu*

✠ **3:10:** Lo 27:26 ✠ **3:11:** Hab 2:4; Ro 1:17; Ga 2:16; Ibr 10:38

✠ **3:12:** Wkp 18:5; Ro 10:5 ✠ **3:13:** Lo 21:23; Ro 8:3; 2Kor 5:21

✠ **3:14:** Yo 20:22; Nģo 2:33

15 O niom tonmatizij tio, inji be ankam sua toorojana pa mbulu ta gorgori iwedet i. Sua mbukjana ta topombol ma imbol kat, na kaimer tomtom toro sa ko irao iyembut sua tana, som iseenge pa sua pakan na som. Paso, sua tana imbol kek. 16 Ayo, takam ngar pa sua ta munju Anutu imbuk la ki Abaraam na. Sua ki Merere iso parei? Iso Anutu imbuk sua tana pa Abaraam mi popojana kini. Iso pa popojana boozo som. Iso pa tamen nonoono. Mi ina Krisi tau.✧ 17 Sua tio ti na, ka uunu ta kembei: Anutu imbuk sua pa Abaraam, mi ndaama boozo kat (430) imap mana, ikam tutu pizin Israel. Tana tutu irao iyembut sua mbukjana tana na som. Pa imar kaimer.✧ 18 Mi kere. Sombe mbulu ki tutu tojana ta iwe zaala piti be takam matamur ki Anutu, inako parei pa sua mbukjana tana? To iwe koroj sorok. Mi som. Pa Anutu ikampe Abaraam, mi imbuk sua pini be ikam matamur tana pini sorok.✧

### *Uunu ta Anutu ikam tutu piti*

19 Mi kena uunu parei ta Anutu ikam sua mbukjana munju, mana isu mini mi ikam tutu piti? Inji ko anso ka uunu. Anutu iur tutu bekena ipei ngar kizin tomtom ma tikilaala sanaana kizin, mibe iyaraama sanaana kizin. Mi isombe tutu tina ko imbol ma imbot ma irao popojana \* tau ni imbuk sua pini na imar. Tutu na, zin anjela ta tikam la ki Mose, to ni kadoono ikam pizin Israel.✧ 20 Mi sua mbukjana na, Abaraam ilen la ki Anutu

✧ **3:16:** Un 12:7, 22:18, 24:7 ✧ **3:17:** Un 15:13+; Kam 12:40+;

Ngo 7:6 ✧ **3:18:** Ro 4:13+, 11:6 \* **3:19:** Popojana ti, ni Krisi.

✧ **3:19:** Yo 1:17; Ngo 7:38,53; Ro 5:20, 7:7

itunu kwoono. Wal toro sa tiwe zaala pa som. Pa Anutu tamen ta imbotmbot.✧

<sup>21</sup> Mi parei, ko sua mbukjana ki Anutu mi tutu kini tiporrou? Som. Sombe tutu ta takam kek na irao iwe zaala piti be takam mbotjana ta ki Anutu i, so tewe ndeenjanda pa zaala ki tutu. <sup>22</sup> Mi ingi som. Pa sua ki Anutu iso kat ta kembei: Iti ta boozomen na, kembei zin wal tau timbotmbot lela ruumu sanaana leleene. Pa sanaana ikis ti lup, ma lende zaala sa som. Naso tuurla ki Yesu Krisi, mi urlajana kiti iwe zaala piti be takam koron ambainjana ta mungu Anutu imbuk sua pa na.✧

<sup>23</sup> Tana indeenje zaala ki urlajana ipet mat zen na, tutu ta imborro iti. Ikiskis ti ma kembei ta tombotmbot lela ruumu sanaana leleene. Mi tombot ta kembei ma irao Anutu iswe zaala ki urlajana ma ipet kat mat.✧ <sup>24</sup> Kakam ngar pizin mbesoonjo ta timborro zin pikin ma irao tiwe tomtom na. Ina kembei ta uraata ki tutu. Pa Anutu iur tutu be imborro iti, mibe ikam ti ma tala ki Krisi. Naso tewe ndeenjanda pa zaala ki urlajana.✧ <sup>25</sup> Mi ingi zaala ki urlajana ipet kek, tana tombot la zaala ki tutu mini som.✧

### *Zin wal ta tiurla ki Krisi, ta tiwe Anutu lutuunu bizin*

<sup>26</sup> Niom wal ta kesekap la ki Yesu Krisi i, na urlajana ta iwe zaala piom ta boozomen ma kewe Anutu lutuunu bizin.✧ <sup>27</sup> Pa niom wal ta kakam yok bekena kesekap la ki Krisi na, Krisi iwe kembei ta kawaala kokoujana be ipakaala yom ta

---

✧ **3:20:** 1Tim 2:5; Ibr 8:6, 9:15, 12:24 ✧ **3:22:** Ro 3:9+, 11:32; Ga 3:14 ✧ **3:23:** Ga 4:3; Ibr 9:10 ✧ **3:24:** Ngo 13:39; Ro 10:4 ✧ **3:25:** Ro 7:6, 10:4; Ibr 7:18, 8:13 ✧ **3:26:** Yo 1:12; Ro 8:14+

boozomen. Pa kakami raama mbulu kini ma iwe leyom kek. ✧ <sup>28</sup> Mi niom ta boozomen na, raraate men pa Anutu mataana. Sombe niom Yuda, som Yuda som, som tomtom ŋonoono, som sorrokŋoyom, som moori, som tomooto, ina koron sorok. Pa Yesu Kresi ilup yom ta boozomen ma kewe tamen kek. ✧ <sup>29</sup> Mi sombe kewe Kresi lene, na kewe Abaraam poponana kini tomini, mi zoyom pa matamur ta muŋgu Anutu imbuk sua pa na. ✧

## 4

*Kresi itatke iti pa patanana ki tutu, mi ikam ti ma tewe Anutu lutuunu bizin*

<sup>1-2</sup> Sua tio ti na, ka ŋgar ta kembei: Pikin tasa, sombe zaana be ikam koron ta boozomen ki tamaana i, nako ikam lonja som. Ŋonoono, ni zaana pa koron tana. Tamen indeeŋe ni nanŋanŋana na, tikam pini be imboro som. Tana tere i na, kembei ta mbesoono i. Pa wal pakan timborro i ramaki koron kini. Mi ni ko imbot ta kembei ma ila indeeŋe nol ta tamaana iur pini be ikam koron kini, to ikam. <sup>3</sup> Ina raraate piam Yuda. Muŋgu, niam kembei ta zin pikin. Mazwaana tana, niam amwe mbesoono pa tutu munmun boozomen ta iso pa mbotnana tiam ta ki toono ti. ✧ <sup>4</sup> Ma ila indeeŋe ka nol ipet, tona Anutu inŋo itunu Lutuunu ma isu toono. Naana ipeebi ma isu kembei ta iti. Mi ni ito tutu ma imap, ✧ <sup>5</sup> bekena ikamke yam wal ta ambot la zaala ki tutu na. Tana inŋi amwe mbesoono

---

✧ **3:27:** Ro 6:3, 13:14 ✧ **3:28:** Yo 10:16; Ro 10:12+; 1Kor 12:13; Kol 3:11 ✧ **3:29:** Un 21:12; Ro 9:7+ ✧ **4:3:** Ga 3:23; Kol 2:20  
 ✧ **4:4:** Un 3:15; Mt 5:17; Yo 1:14; Ep 1:10

sorok mini som, mi amwe Anutu lutuunu bizin kek. ☆

<sup>6</sup> Mi niom tomini kewe Anutu lutuunu bizin kek. Tanata Anutu inḡo Lutuunu Bubuḡana ma izeebe yom. Mi Bubuḡana tana, ta izzo piom ta kembei: “Niom Tomoyom ta Anutu.” Tana ikamam yom ma kozzo ta kembei: “O Tamaḡ.” <sup>7</sup> Tana koozi kewe mbesooḡo sorok mini som. Pa Anutu ikam yom ma kewe lutuunu bizin kek. Mi sombe ni lutuunu bizin niom, na zoyom pa matamur kini tomini. ☆

*Mbulu kizin Galesia ikam ma Paulus imoto*

<sup>8</sup> Muḡu niom tina kuute Anutu som, mi kembesmbeeze pa merere pakaamḡan boozo ta Merere ḡonoono som na. ☆ <sup>9</sup> Mi koozi na, kewe Anutu lene mi kuute i kek. E-e, ina aḡso ḡoobo. Niom som. Ni itunu ta iute yom, mi ikam yom ma kewe lene. Nakena parei ta niom kosombe kimiili mini ma kewe mbesooḡo pa koronḡ soroksorok ta irao be iuulu yom som i. ☆ <sup>10</sup> Pa inḡi kapakurkur aigule, puulu, gorgor, mi ndaama pakan kembei ta zin Yuda na. <sup>11</sup> Mbulu tiom tana ikam yo ma aḡmoto. Kokena uraata biibi ta aḡbel piom na iwe koronḡ sorok. ☆

*Paulus itaḡroro zin Galesia kan*

<sup>12</sup> O niom toḡmatizinḡ tio, nio aḡtaḡroro yom. Ko-tooro ḡgar tiom mi kewe kembei ta nio i. Pa nio tomini aḡwe kembei niom wal ta Yuda somḡoyom i kek. Kere. Muḡu niom kakam ḡoobo mbulu sa pio

---

☆ **4:5:** Yo 1:12; Ro 8:14+; Ga 3:13; 1Pe 1:18+ ☆ **4:7:** Ro 8:17; Ga 3:29 ☆ **4:8:** 1Kor 8:4+, 12:2; Ep 2:11+ ☆ **4:9:** Ro 8:3; 1Kor 8:3; Kol 2:20; Ibr 7:18 ☆ **4:11:** Ro 14:5; Kol 2:16

som. <sup>13</sup> Motoyom ila pa ta muṅgu na. Indeeṅe ta aṅsoyaara uruunu ambaiṅana piom mata popoten na, mete biibi ikam yo. ✧ <sup>14</sup> Mi mete tio tana ikam pataṅana biibi piom. Tamen kitit yo som, kerepiili yo som. Mi kakam yo, mi kisiibi yo se nomoyom keteene ma kembei ta nio aṅela sa. Mi kere yo kembei ta Yesu Krisi. <sup>15</sup> Indeeṅe tana, niyom ise mi leleyom ambai kat. Mi koozi na som. Ka uunu parei? Mi indeeṅe tana na, leleyom pio ilip. Sombe aṅbot ṅoobo pa kosa sa, na kakam pio men. Irao kuruutu na som. <sup>16</sup> Mi parei? Ingi aṅso kat sua ṅonoono piom, ta kere yo kembei koyom koi?

<sup>17</sup> Zin wal ta aṅsope yom pizin na, zin tikamam kinkiini be tikam leleyom. Tamen ṅgar kizin ambai som. Pa tisombe tikam yom ma kezem yo, mi kagaaba zin. <sup>18</sup> Gorgori, iti sombe lelende ilip pa koron ambaiṅana mi takam kinkiini pa, ina ambai. Tana nio sombe aṅbot, som aṅbot som, na kakamam ta kembei. <sup>19</sup> O lutuṅan, parei ta kakam pataṅana biibi pio mini? Mbulu tiom tana ikam yo ma aṅyamaana yoyouṅana kembei moori ta ikamam be ipeebe pikin i. Mi ko aṅyamaana ta kembei ma irao urlaṅana tiom ise ma iwe biibi, mi ṅgar ki Krisi imbol la leleyom. ✧ <sup>20</sup> O niom, leleṅ be aṅyaamba yom som. Mi ko aṅso parei piom? Kena so itinṅan tombotmbot lak!

*Mbulu ta ipet pa Agar mi Sara na, ipatoonjo iti pa zaala ki tutu mi zaala ki urlaṅana*

<sup>21</sup> Niom wal ta kosombe koto zaala ki tutu na, niom kuute som? Sua ki Merere iso ta kembei: <sup>22</sup> Abaraam, ni lutuunu bizin ru. Ta na, mbesoonjo

---

✧ **4:13:** 1Kor 2:3    ✧ **4:19:** Ro 8:29; 1Kor 4:15

moori kini Agar ipeebe. Mi toro na, kusiini ḡonoono Sara ta ipeebe. ✧ <sup>23</sup> Mbesooḡo moori lutuunu na, ipet pa zaala ta iti ta boozomen tewedet pa i. Mi kusiini ḡonoono lutuunu, ina ito sua mbukḡana ki Anutu ma ipet. ✧

<sup>24</sup> Sua tana, ina kembei ta sua tooroḡana. Moori ru tana timender pa zaala ru ta Anutu iur pizin tomtom. Zaala ta, ipet pa abal Sinai. Ina zaala ki tutu. Zaala tana ipiyotyooto zin wal ta mbesooḡo sorok. Mi Agar ta imender pa zaala tana. ✧ <sup>25</sup> Abal Sinai, ina imbot pa lele pakaana ki Arabia. Tana Agar, ni imender pa abal tina mi kar Yerusalem ta koozi imbotmbot su toono i. Paso, kar tana lutuunu bizin tiwe mbesooḡo sorok pa tutu. <sup>26</sup> Tamen Yerusalem ḡonoono ta kor a, lutuunu bizin tiwe mbesooḡo som. Mi Yerusalem tana, ta iwe kembei ta iti nanda na. ✧ <sup>27</sup> Ina kembei ta sua ki Anutu iso: Nu moori ta kopom somḡom na, lelem ambai lak! Mi nu ta yamaana yoyouḡana ki pepe zen na, kalḡom izalla mi lelem ambai!

Pa moori ta kusiini izemi ma imborene sorok na, Anutu ko iur le zaala be ikam pikin boozo ma tilip pa moori kusiiniḡana lutuunu bizin. ✧

<sup>28</sup> O niom toḡmatiziḡ tio, niom tina kembei Sara lutuunu Isak. Pa sua mbukḡana ta iwe zaala piom ma kewe Anutu lutuunu bizin kek. ✧ <sup>29</sup> Mi motoyom ila pa mbulu ta muḡu Ismael ikam pa Isak na. Pa pikin ta ipet pa zaala ta iti ta boozomen tewedet pa i, na ikam patanḡana pa pikin ta ipet pa

---

✧ **4:22:** Un 16:15, 21:2 ✧ **4:23:** Un 17:16+, 18:10+; Ro 9:7+; Ibr 11:11 ✧ **4:24:** Ro 8:15; Ibr 8:9+ ✧ **4:26:** Ibr 12:22; Tur 3:12, 21:2,10 ✧ **4:27:** Yesa 54:1 ✧ **4:28:** Ro 9:7+



Bubuḡana mburaana na. Mi ina raraate kembei mbulu ta koozi iwedet piti i.✧ 30 Mi sua ki Anutu iso parei?

Iso:

Ziiri mbesooḡo moori ziru lutuunu ma tila len. Pa mbesooḡo moori lutuunu ko irao igaaba lutum ḡonoono, mi ziru tiparpeete matamur ku ma len len na som.✧

31 Tana niom toḡmatiziḡ tio, iti mbesooḡo moori lutuunu bizin som. Pa iti nanda, ni mbesooḡo moori som.✧

## 5

*Sombe tapase pa tutu, nako teyembut itundu pa Krisi*

<sup>1</sup> Tana iti tewe mbesooḡo mini som. Pa Krisi itatke iti pa pataḡana ki tutu kek. Tana kemender mbolḡana. Kokena kezem wal pakan mi tikam yom ma kewe mbesooḡo mini. ✧

<sup>2</sup> Kelenḡ. Nio Paulus aḡso kat yom ta kembei: Sombe kelenḡ la wal tana kalḡan pa reetenḡana, na uraata ki Krisi ko irao iuulu yom som. ✧ <sup>3</sup> Nio aḡso mini. Tomtom sa, sombe leleene be ito zaala ki reetenḡana mi tutu, na ni bela ito kat tutu ma imap, tona imbot ambai pa Anutu mataana. ✧

<sup>4</sup> Tana kere yom. Pa tomtom ta so ipase pa tutu be ikami ma iwe ndeenḡana pa Anutu mataana, na iyembut itunu pa Krisi, mi ipizil ndemeene pa kampenḡana mi muḡaiḡana ki Anutu. ✧

✧ 4:29: Un 21:9; Ga 5:11, 6:12 ✧ 4:30: Un 21:10; Yo 8:35

✧ 4:31: Ga 3:29, 5:1,13 ✧ 5:1: Yo 8:32,36; Ro 6:18, 7:6; Ga 2:4, 5:13; 1Pe 2:16 ✧ 5:2: Nḡo 15:10,11 ✧ 5:3: Ro 2:25, 4:4; Ga 3:10

✧ 5:4: Ga 2:21

<sup>5</sup> Mi iti ta tototo zaala ki urlañana na, Bubunãna ipombolmbol ti be tuur matanda pa koron ambainãna tabe Anutu ikam pizin wal ndeenjan. ✧

<sup>6</sup> Mi sombe tesekap la ki Yesu Krisi, inako takam ngar biibi pa reetenãna mi koron ta kembei mini som. Pa sombe tireete iti, o tireete iti som, ina koron sorok ki kulindi. Mi urlañana ta ipiyotyooto mbulu ki lelende par piti, ina koron ñonoono. ✧

<sup>7-8</sup> Mungu na, urlañana tiom iloondo ambai. Mi ingi asinj ta imar mi ipandelndel yom ma kezem zaala ki sua ñonoono? Mbulu tina imar pa Anutu ta iboboobo yom i som. ✧ <sup>9</sup> Tana kere yom pa wal tana mi ngar kizin. “Pa yis musaari kat, ina irao izil pa palawa biibi ma imap.” ✧ <sup>10</sup> Mi Merere, ni ipombol yo ma añurla ta kembei: Ni ko ipazal yom ma koto ngar tio. Mi tomtom ta sombe ipakankaana ngar tiom na, ni tana ko ire ka kadoono. ✧

<sup>11</sup> O niom tonmatizin tio, nio añute. Wal pakan tingalngal sua pakaamãana pio, mi tizzo nio itun añso pizin tomtom be tito zaala ki reetenãna mi tutu. Lak, sombe añkamam ta kembena, ko tomtom tiseeze moton kembei ta tikamam i? Som. Pa sombe añkamam ta kembei, so sua ta añzzoyaryaara pa meetenãna ki Yesu sala ke pambaaranãna na, ipasaana tomtom lenen mini som. ✧ <sup>12</sup> Zin wal ta tipakankaana ngar tiom, mi timañman yom pa reetenãna na, nio añso tiyembut zitun kulin tana ma put kat to ambai!

---

✧ **5:5:** Ro 8:24+; 2Tim 4:8 ✧ **5:6:** 1Kor 7:19; Ga 6:15; Kol 3:11; Yems 2:18+ ✧ **5:7-8:** 1Kor 9:24; Ga 1:6, 3:1 ✧ **5:9:** 1Kor 5:6 ✧ **5:10:** 2Kor 11:15; Ga 1:7 ✧ **5:11:** 1Kor 1:23; Ga 6:12

*Zaala ki Bubunana, mi mbulu ki lelede munḡunana*

<sup>13</sup> O niom tonmatizij tio, ḡonoono, Anutu iboobo yom ma kewe lene kek, mi isombe niom kewe mbesooḡo pa tutu mini som. Mi kere: Kokena iwe uunu piom be kusu mi koto mbulu ki leleyom munḡunana. Kakam kembena pepe. Kuur leleyom par piom mi kaparmbesmbeeze piom. ✧ <sup>14</sup> Pa tutu ta munḡaana men, ta timap timbot la tutu lwoono ti leleene: Ur lelem pizin tomtom kembei ta lelem pa itum. Tana takam ta kembena, to tipiyooto tutu ka mbulu ḡonoono. ✧ <sup>15</sup> Tamen mbulu tiom pakan na, kembei zin me sanḡanḡan ta tiparkamam malmal mi tiparkanana zin. Kere: Kokena konoknok mbulu ta kembei, to kapasaana lupḡana tiom ma isaana kat.

<sup>16</sup> Tana nio aḡso piom ta kembei. Kapa pai tiom mi koto peeze ki Bubunana. Naso karao be kayaraama ituyom, mi koto leleyom munḡunana mini som. ✧ <sup>17</sup> Nonono, gorgori lelede munḡunana ziru Bubunana tiparwe kan koi mi tiporrou. Pa mbulu ta Bubunana leleene pa i, na lelede munḡunana izorzooro pa. Mi mbulu ta lelede munḡunana isombe ikam, na Bubunana izorzooro pa. Tabe ikam ma karao be kakam kat mbulu ta leleyom pa i som. ✧ <sup>18</sup> Tamen sombe kototo peeze ki Bubunana, inako kombot la zaala ki tutu mini som. ✧

<sup>19</sup> Mbulu ta lelede munḡunana ipeyei, ina iti tuute lup kek. Mbulu ta kembei: Mbulu kizin me

---

✧ **5:13:** 1Kor 8:9, 9:19; 1Pe 2:16 ✧ **5:14:** Mt 22:37+; Ro 3:31, 13:8+; Yems 2:8 ✧ **5:16:** Ro 6:12, 8:4, 13:14; 1Pe 2:11 ✧ **5:17:** Ro 7:15+, 8:6+ ✧ **5:18:** Ro 6:14, 8:2,14

ma nge, mbulu ta ingeeze som, mbulu ki tayaraama itundu som mi tala men pa mbulu sananꝓana ki kulindi, ✧ <sup>20</sup> tembesmbeeze pizin merere pakaamꝓan, takamam yaamba, tu'urur koi pizin tomtom, taparzorzooro, matanda mburmbur, lelende tataꝓa, takam nꝓar pa itundu men, taparyanꝓwiiri ti ma tewe uunu boozo, <sup>21</sup> matanda berber, tiwinin ma tagadgaada, itinꝓan waende bizin taparkere iti ma takam mbulu bozboozo, mi mbulu sananꝓan boozomen ta irao be tinin na som. Sua ta muꝓgu anꝓo piom, ta inꝓi anꝓoto mini: Zin wal ta so tikamam ta kembei, inako tirao be timbot la Anutu peeze kini mi tilela kar kini na som. ✧

<sup>22</sup> Mi Bubunꝓana, ni ipeyei mbulu ta kembei: Lelende par piti, lelende ambai kat pa mazwaana ta boozomen, takamam mbulu luumuꝓana mi itinꝓan waende bizin taparlup ti ma tewe tamen, topokotkot mbulu sananꝓana som, takampewe zin tomtom, tumuꝓainꝓai zin tomtom, tototo sua kiti mbukuꝓana, ✧ <sup>23</sup> tokototo itundu, lende nꝓer pizin tomtom, mi tayaramraama itundu. Kere: Mbulu ta kembei, ta tutu izzo pa na. ✧ <sup>24</sup> Tana zin tomtom ta tiwe Yesu Kresi lene kek na, zin kembei tipunmeete lelen muꝓguꝓana ramaki mbulu sananꝓan boozomen ta nin izze pa i, sala ke pambaaranꝓana ma imeete kek. ✧ <sup>25</sup> Mi Bubunꝓana ta ikamam mbotꝓana ki Anutu piti. Tana iti bela tapa pai kiti ma indeeꝓe men pa peeze kini. ✧ <sup>26</sup> Mi so kem-

---

✧ **5:19:** Ro 13:13+; 1Kor 3:3, 6:9+; Ep 5:3+; Kol 3:5 ✧ **5:21:** Tur 22:15 ✧ **5:22:** 1Kor 13:7; Ep 5:9; Kol 3:12 ✧ **5:23:** Ro 3:31; Ga 5:14; 1Tim 1:9 ✧ **5:24:** Ro 6:6+, 13:4; Kol 3:5; 1Pe 2:11 ✧ **5:25:** Ro 8:4+, 12+

bená, na iti iráo takam kinkiini pa itundu zanda be iwe biibi pepe, tapamalmal waende bizin keten pepe, mi matanda berber pa waende bizin pepe. ✧

## 6

### *Wal ki Krisi bela tiparuulu zin*

<sup>1</sup> O niom tonmatizin tío, sombe tomtom tiom sa itop pa sanaana, na niom ta kototo ngar ki Bubunana i, kala ma kapazali. Mi kapamiani pepe. Leyom nger pini. Mi kere yom: Kokena toombojana ise tiom tomini. ✧ <sup>2</sup> Tana kaparuluulu yom, mi ku'uluulu waeyom bizin be tibaada patanjana kizin. Naso koto kat tutu ki Krisi. ✧ <sup>3</sup> Sombe tomtom sa indemeere kembei ni iráo kat pa mbulu ki Anutu, na ni ipakaam itunu. ✧ <sup>4</sup> Mi kere. Sombe mbulu kiti pakan ilip pa waende bizin mbulu kizin, na tapakur itundu pa koron tana pepe. Iti tatanja titiiri itundu. Sombe mbulu kiti indeenje Anutu sua kini, na lelende ambai pa. Mi matanda la pa waende bizin mbulu kizin pepe. <sup>5</sup> Pa itundu tatanja lende patanjana be tabaada. ✧

### *Koron parejana ta so tawaswaaza, inako ise ma takan*

<sup>6</sup> Sombe tomtom sa ikamam ngar pu pa sua ki Anutu, na nu lem uraata be kam koron ku ambaimbainan pakan pini tomini. ✧

<sup>7</sup> Mi kerre yom! Kokena koso karao be kapakaam Anutu. Som. Pa kini parejana ta

✧ **5:26:** Ro 12:10+; Pil 2:3 ✧ **6:1:** Mt 18:15; 2Tim 2:25; Yems 5:19

✧ **6:2:** Yo 13:14+; Ro 15:1; 1Kor 9:21; 1Tes 5:14; 1Yo 4:21 ✧ **6:3:**

Ro 12:3; 1Kor 8:2; 2Kor 3:5; Yems 1:26 ✧ **6:5:** Ro 14:12 ✧ **6:6:**

Ro 15:27; 1Kor 9:7,11,14

so tapaaza, nako ise ma takan. ☆ 8 Tana iti sombe tawaswaaza koron ta ipombolmbol lelede munḡana i, inako ipiyooto ḡonoono sananḡana ta kembei: Ipasaana iti ma tala lende. Mi sombe tawaswaaza koron ta irao pa Bubunana leleene mi ḡar kini, inako tere ka ḡonoono ta kembei: Bubunana ko ikam lende mbotḡana ki Anutu tabe iseḡḡe iseḡḡe ma ila. ☆ 9 Tana iti tegesges pa mbulu ambainana pepe. Pa sombe tezem som, mi tonoknok men ma irao ka nol, inako tere ka ḡonoono. ☆ 10 Tana sombe iti tarao be tu'uulu tomtom sa, na loḡa mi tu'uuli. Mi so zin wal urlanḡan, to matanda inḡal kat be tu'uulu zin. Pa ina, zin kembei ta iti tonmatizinḡ kiti i. ☆

### *Sua pemetḡana*

11 Kere bude tio bibip ti ta itun ḡbeede i. 12 Zin wal ta timanḡanḡ yom pa reetenana na, inḡi be anso yom pa mbulu kizin ka uunu ḡonoono. Zin tikamam men be tomtom tiwit urun. Mi timototo tomini: Kokena timender mbolḡana pa ke pambaaranana ki Yesu Kresi, to zin wal ta tiurla ki Kresi som na tikam patanana pizin. ☆ 13 Mi kere. Zin wal ta timbol pa reetenana na, zitun titoto kat tutu som. Mi inḡi timanḡanḡ yom pa reetenana paso, lelen be tikam yom ma kagaaba zin. Naso nin se pa mbulu ta tiso tikam pa kuli yom na.

14 Mi nio na, Yesu Kresi itutamen ta imeete sala ke pambaaranana, ta ikam yo ma nin se. Koron toro sa som. Pa meetenana kini ta ikam yo

---

☆ **6:7:** Lu 16:25; Ro 2:6; 1Kor 6:9; 2Kor 9:6 ☆ **6:8:** Ro 8:13; Yems 3:18 ☆ **6:9:** 1Kor 15:58; 2Tes 3:13; Tur 2:10 ☆ **6:10:** Ep 2:19; 1Tes 5:15; 1Tim 6:18; 2Pe 1:7 ☆ **6:12:** Ga 5:11; Pil 3:18

ma anjap pa mbulu mi ngar ki toono. Pa anje itunjembei anjeete raami sala ke pambaaranjana, tanata inji anjap kat pa koroŋ toono kan ta munjaana men. ✧ <sup>15</sup> Mi sombe tomtom sa tireeti, som tireeti som, ina koroŋ sorok. Pa koroŋ tamen ta koroŋ ŋonoono. Ina uraata ki Anutu ta ikam ti ma tewe popoŋanda. ✧ <sup>16</sup> Wal boozomen ta so tipa pai kizin ma titoto zaala ta kembei, na Anutu ko imboro zin ma timbot ambai mi imunjai zin. Pa ina zin ta Israel ŋonoono.

<sup>17</sup> Ingi be anjemet sua tio. Lelenj be tomtom sa ikam patajana pio mini pepe. Pa zaaba kwoono murinmurin ta imbotmbot la kulinj i, ina anjam pa Yesu Kriŋi zaana tau. ✧

<sup>18</sup> O niom toŋmatizinj tio, kampejana ki Merere kiti Yesu Kriŋi ko ise tiom. Ŋonoono.

---

✧ **6:14:** Ro 6:6; 1Kor 1:31, 2:2; Pil 3:3,7,8 ✧ **6:15:** 1Kor 7:19; 2Kor 5:17; Ga 5:6; Kol 3:11 ✧ **6:17:** 2Kor 4:10, 11:23

**Anutu Sua Kini Potomaxana  
Genesis, Exodus, Ruth, Psalms, Proverbs, Jonah, and  
The New Testament in the Mbula Language of Papua  
New Guinea  
Sampela hap Buk Baibel long tokples Mbula long  
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

---

PDF generated using Haiola and XeLaTeX on 11 Nov 2022 from source files dated 9 Oct 2020

a815c47a-4c36-5240-a396-70cbd5e9b593